



東國通鑑

四之書

共三十一

U 6
4060
3



4060
31-3

辰甲

卯癸

東國通鑑卷之四

三國紀

新羅

高句麗

百濟



晉康帝建元元年新羅菴解王三十四年高句麗故國原王十三年百濟比流王四十年春二月高句麗王遣其弟朝燕稱臣貢珠異以千數燕王斃乃還其父尸猶留其母為質

○秋七月高句麗移居平壤東黃城城在西京東木覓山中○高句麗遣使朝晉

晉建元二年新羅菴解王三十五年高句麗故國原王十四年百濟比流王四十年契丹元年春二月倭遣使新羅請婚不報○冬十

東國通鑑四

巳乙

月百濟王比流薨汾西王長子契王立

晉穆帝求和元年新羅訖解王三十六年春高句麗故國原王十五年百濟契王二十二年

正月新羅以康世為伊伐喰○二月倭移書

新羅絕交○冬十月燕王皝使慕容恪攻高

句麗拔南蘇置戍而還

午丙

晉求和二年新羅訖解王三十七年高句麗故國原王十六年百濟契王三年近肖古王

元秋七月駕洛國王居叱彌牟子伊尸品立

○九月百濟王契王薨比流王第二子近肖

古立○倭寇新羅風島進圍金城急王欲出

兵擊之伊伐喰康世曰賊遠至其鋒不可當

新羅訖解王高句麗故國原王百濟近肖古王

未丁

不若緩之待其師老至然之閉門不出賊食

盡將退命康世率勁騎追擊走之

晉求和三年新羅訖解王三十八年高句麗故國原王十七年百濟近肖古王二年春

百濟以真淨為朝廷佐平淨王后親戚狼戾

卯丁

苛細恃勢自用國人疾之

春正月高句麗立王子丘夫為太子○十二

月高句麗王遣使于燕納質修貢請其毋燕

王雋許之遣殿中將軍刀龕送周氏以王為

征東大將軍營州刺史封樂浪公王如故

辰內

晉末和十二年新羅元故國原王二十六年百濟近
十有古王夏四月新羅王訖解覺無嗣味鄒王
弟末仇之子金柰勿立母曰休禮夫人金氏
妃金氏亦味鄒王女也

權近曰金富軾謂取妻不取同姓以厚別也故魯公之取吳晉侯之四姬君子譏之若新羅則不止取同姓亦及於期功之親人道大悖矣但以不學不自知其為非惜哉

巳丁

晉昇平元年新羅柰勿王二年高勾麗故國原王二十七年百濟近省古王十二年春

新羅柰勿王高勾麗故國原王三百濟近省

子甲

新羅菽使撫問鰥寡孤獨賜穀人三斛孝悌有異行者賜爵一級

晉哀帝興寧二年新羅柰勿王九年高勾麗故國原王三十四年百濟近省古王十九年
夏四月倭大舉侵新羅王懼造草偶人數千持兵列吐含山下伏勇士一千於斧峴東原倭恃衆直進伏菽擊其不意倭兵大敗走追擊獲之幾盡

巳巳

晉帝奕太和四年新羅柰勿王十四年高勾麗故國原王三十九年百濟近省古王二十
四年秋九月高勾麗王帥步騎二萬伐百濟屯于雉壤分兵侵掠百濟王遣太子帥兵徑至

午庚

未辛

雄壤急擊破之獲五千餘級分賜將士○冬

十一月百濟大閱於漢水南旗幟皆用黃

晉太和五年新羅奈勿王十五年高勾麗故國原王四十年百濟近肖古王二十年

秦王猛伐燕破之大傅慕容評奔高勾麗王

執送於秦

晉文帝咸安元年新羅奈勿王十六年高勾麗故國原王四十年新羅奈勿王十六年高勾麗故國原王四十年新羅奈勿王十六年高勾麗故國原王四十年

近肖古王高勾麗侵百濟王使伏兵浪河上

俟其至急擊之麗兵敗北○冬十月百濟王

與太子帥精兵三萬侵高勾麗攻平壤城高

勾麗王劍力戰拒之中流矢薨太子丘夫立

新羅奈勿王高勾麗小獸林王百濟近肖古王

申壬

葬王于故國原○百濟移都漢山

晉咸安二年新羅奈勿王十七年高勾麗春小獸林王二年百濟近肖古王二十年

正月百濟遣使朝晉○夏六月秦王苻堅遣

使送浮屠順道及佛像佛經于高勾麗王遣

使謝以其書教子弟高勾麗佛法始此○高

勾麗立大學教子弟

臣等按高勾麗立國今四百餘年至是立

大學教子弟何建學立師之晚也今王建

學立師雖可與有為也然始奉胡僧順道

阿道創佛宇造佛像佛經為高勾麗佞佛

酉癸

之始生子孫效尤其禍蔓延不可勝言雖
曰立學而無作成之效豈非好學之心不
及於好佛乎

晉孝武帝寧康元年新羅奈勿王十八年高
勾麗小獸林王三年百濟近肖古王二十八年
春百濟禿山城主率三百人奔新羅王納
之分居六部百濟王移書曰兩國和好約為
兄弟今王納我叛民甚乖和親之意請還之
荅曰民無常心懷則來數則去固其常也王
不患民之不懷而責寡人乎百濟不復言○
高勾麗始頒律令

新羅奈勿王高勾麗小獸林王百濟近肖古王

戌甲

亥乙

晉寧康二年新羅奈勿王十九年高勾麗
小獸林王四年百濟近肖古王二十年高
勾麗小獸林王五年百濟近肖古王三十年高
勾麗小獸林王五年百濟近肖古王三十年高
勾麗小獸林王五年百濟近肖古王三十年高
勾麗小獸林王五年百濟近肖古王三十年高
僧阿道來高勾麗○百濟以高興為博士百
濟自開國未有文字至是始有書記

春二月高勾麗創肖門寺伊弗蘭寺以置胡
僧順道阿道○秋七月高勾麗攻百濟北鄙
水谷城陷之王遣將拒之不克王又將大舉
兵報之以年荒不果
權近曰父母之讎不共戴天苟不復讎寢

苦枕戈無時而已焉者也百濟近肖古王
攻殺高句麗王釗其子丘夫繼位四五年
間惟以頒律令創佛寺為事未嘗奮發起
兵以復君父之讎及是年秋攻陷水谷蓋
庶幾於復讎矣惜不能必復而遽已也丘
夫與一時臣子皆可謂無志者矣前史乃
稱丘夫有雄略何哉
冬十一月百濟王近肖古薨太子近仇首立
先是高句麗侵百濟王遣太子近仇首拒之
至半乞壤將戰有斯紀者本百濟人誤傷國

新羅素勿王高句麗小獸林王百濟近仇首王

子丙 丑丁

馬蹄懼罪奔高句麗至是來告太子曰彼兵
雖多其驍勇唯赤旗者先破之其餘不攻自
潰太子從之進擊大敗之追奔至水谷城西
北將軍莫古解諫曰知足不辱知止不殆今
所得多矣何必求多太子善之積石為識而
還
晉大元元年新羅素勿王二十一年高句麗
麗小獸林王六年百濟近仇首王二年秋
新羅有年○冬十一月高句麗侵百濟北鄙
晉大元二年新羅素勿王二十二年高句麗
麗小獸林王七年百濟近仇首王三年冬
百濟王持兵三萬侵高句麗平壤城○十一

史記

寅戊

巳辛

壬壬

月高勾麗伐百濟○高勾麗遣使朝秦

晉大元三年新羅奈勿王二十三年高勾麗小獸林王八年百濟近仇首王四年秋

九月契丹犯高勾麗北邊陷八部落

晉大元六年新羅奈勿王二十六年高勾麗小獸林王十一年百濟近仇首王七年新

羅遣衛頭如秦貢方物苻堅問衛頭曰卿言

海東之事與古不同何耶對曰時代變革名

號改易中國亦然今焉得同

晉大元七年新羅奈勿王二十七年高勾麗小獸林王十二年百濟近仇首王八年百

濟自春不雨至六月民飢至有鬻子者王出

穀贖之

新羅奈勿王高勾麗

申甲

晉大元九年新羅奈勿王二十九年高勾麗小獸林王十四年故國壤王元年百濟近仇首王十年枕夏四月百濟王近仇首薨元子

枕流立○秋七月百濟遣使朝晉○九月胡

僧摩羅難陀自晉至百濟王迎致宮內禮敬

焉百濟佛法始此○冬十一月高勾麗王丘

夫薨無嗣母弟伊連立葬王于小獸林

晉大元二十年新羅奈勿王三十年高勾麗故國壤王二年百濟枕流王二年辰斯王元年

春二月百濟創佛寺於漢山度僧十人○夏

六月高勾麗王出兵四萬襲遼東先是燕王

垂命帶方王佐鎮龍城佐聞高勾麗襲遼東

酉乙

遣司馬郝景將兵救之麗軍擊敗之遂陷遼東玄菟虜男女一萬口而還冬十月燕慕容農將兵侵高句麗復遼東玄菟二郡初幽冀流民多投高句麗農以范陽龐淵為遼東太守拾撫之○百濟王枕流薨太子阿莘幼王弟辰斯立

權近曰枕流初政迎入胡僧宮中禮敬且創佛寺以度僧足欲徼福享年也會不踰年而遂死佛果是信乎

晉大元十一年新羅奈勾王三十一年高句麗故國壤王三年百濟辰斯王三年春

正月高句麗王立子談德為太子○百濟數國內人年十五已上設關防自青木嶺北距八坤城西至于海○秋八月高句麗王發兵伐百濟

晉大元十二年新羅奈勾王三十二年高句麗故國壤王四年百濟辰斯王三年春

正月百濟以真嘉謨為達率豆知為恩率

晉大元十四年新羅奈勾王三十四年高句麗故國壤王六年百濟辰斯王五年秋

寅庚 丑巳 亥丁

九月百濟遣兵侵高句麗南鄙

晉大元十五年新羅奈勾王三十五年高句麗故國壤王七年百濟辰斯王六年秋

九月百濟王命達率真嘉謨伐高句麗拔都

丙

新羅奈勾王高句麗故國壤王百濟辰斯王

卯辛

辰壬

坤城虜二百人王嘉謨為兵官佐平○冬十月百濟王獵於狗原七日乃返

晉大元十六年新羅奈勿王三十七年高春

正月百濟修宮室穿池造山植異卉養奇禽

○夏四月靺鞨攻陷百濟北鄙赤縣城○秋

七月百濟王獵國西大島八月又獵橫岳西

晉大元十七年新羅奈勿王三十七年高春

麗故國壤王九年廣開土王元年百濟辰斯

壬八年阿春正月高勾麗遣使聘新羅新羅

遣質子實聖于高勾麗○三月高勾麗王下

教崇佛求福又命有司立國社修宗廟○高

勾麗王伊連薨太子談德立葬王于故國壤

○秋七月高勾麗王帥兵四萬攻百濟北鄙

陷石峴等十餘城王聞高勾麗王能用兵不

敢出排漢水北諸部落多沒焉○九月高勾

麗伐契丹虜男女五百口又招諭本國陷沒

民口一萬而歸○冬十月高勾麗攻陷百濟

開彌城其城四面峭絕海水環繞王分軍七

道攻之二十日乃拔

權近曰昔晉襄公墨衰即戎以敗秦師春

秋譏之高勾麗王伊連薨未踰三月其子

談德親率兵伐百濟敗之其忘哀而不忌也甚矣夫有門庭之寇而宗廟社稷之存亡繫焉不得已而從金革之事可也今百濟之兵未有加於麗境談德方在喪經之中乃敢舍己之喪遽然興師以伐人國是有人子哀痛之心者哉或曰麗與百濟世讎也辰斯於伊連三十三年來侵南鄙明年又伐取都坤城伊連不能報三年而薨談德嗣立不數月間能用兵致伐以雪其恥是為顯親非不忌也曰敵惠敵怨不在

後嗣丘夫不復於近肖古固可罪也談德與辰斯已在再世之後豈可復報之乎初枕流薨辰斯初立伊連不恤遽伐其喪惡矣辰斯隱忍不即報必待三年喪畢然後來伐南鄙是直在濟而曲在麗故辰斯再勝而伊連不得報是亦服罪焉耳談德於此懲忿窒慾釋怨修好以彰先君悔過息爭之美則其為顯親益以大矣不顧義理是非唯以報復為事亂何由息哉

百濟王田於狗原經旬不返○十一月百濟

巳癸

王辰斯薨於狗原行宮枕流王之弟阿莘立
晉大元十八年新羅奈勿王三十八年高
勾麗廣開土王二年百濟阿莘王二年春
百濟以真武為左將委以兵馬事武王之親
舅沈毅有大略時人服之○夏五月倭人來
圍新羅金城五日不解將士皆請出戰王曰
今賊棄舟深入在於死地鋒不可當閉門固
守賊乃退王先遣勇騎二百要其歸路又遣
步卒一千追於獨山夾擊大敗之殺獲甚眾
○秋八月百濟王謂真武曰關彌城北鄙之
要地今為高勾麗所予甚痛憤卿其為我

午甲

一雪遂命武將兵一萬伐高勾麗圍關彌城
麗人嬰城固守武親冒矢石身先士卒城垂
拔以糧道不繼引還○高勾麗創九寺於平
壤城

晉大元十九年新羅奈勿王三十九年高
勾麗廣開土王三年百濟阿莘王三年春

二月百濟立元子腆支一名映為太子○秋七

月百濟侵高勾麗王率精騎五千逆擊於水
谷城下敗之○八月高勾麗築國南七城以

備百濟

未乙

晉大元二十年新羅奈勿王四十年高
勾麗廣開土王四年百濟阿莘王四年秋百

酉丁

濟遣左將真武等伐高句麗王率兵七千陣於沮水拒戰百濟軍大敗死者八千人冬十一月百濟王欲雪沮水之恥率兵七千人過漢水次於青木嶺下會大雪士卒多凍死回軍至漢山城勞軍士

晉安帝隆安元年新羅奈勿王四十二年夏高句麗廣開土王六年百濟阿莘王六年夏

五月百濟與倭結好遣太子腆支為質

權近曰世子君之儲副其重係乎宗社不可以輕出者也古者諸侯朝於天子有時而不可後故老病者使世子攝已事以行

新羅奈勿王高句麗廣開土王百濟阿莘王

急述職也諸侯相朝本無時未有使世子攝行之禮故曹伯使世子射姑來朝於魯君子譏之以為取危亂之本也朝且不可况出質乎漢唐以降外夷君長或遣世子入侍是以小事大以夷慕華禮亦然矣若百濟王以世子映出質于倭則是輕其國本而棄之非類之地也苟能修德行政強於自治輯和其民人慎固其封守遣使修聘以通隣好倭人雖暴何畏焉乃不能然以千里畏人汲汲焉欲結其好出質世嫡

度若小夷之事中國而不知恥焉表微甚矣何以為國乎及其薨也二弟相戕國遂危亂微解忠獻謀國人殺磔禮則映之復國必不可得矣此可以為永世之戒矣

秋百濟大閱漢水南

戊戌

晉隆安二年新羅奈勿王四十年高春二月百濟以真武為兵官佐平沙豆為左將○秋八月百濟王伐高勾麗出師至漢山北柵夜有大星落營中王深惡之乃還師○九月百濟聚都人習射於西臺

己亥

晉隆安三年新羅奈勿王四十四年高秋八月百濟王欲侵高勾麗大徵兵馬民甚苦之多奔新羅

庚子

晉隆安四年新羅奈勿王四十九年高春正月高勾麗遣使朝燕二月燕王盛以高勾麗王禮慢自將兵三萬襲之以驃騎大將軍慕容熙為前鋒拔新城南蘇二城拓地七百餘里徙五千餘戶而還

辛丑

晉隆安五年新羅奈勿王四十六年高秋七月新羅質子寶聖還自高勾麗

寅壬

晉元興元年新羅奈勿王十四年百濟阿莘王
十一年高勾麗廣開土王十一年百濟阿莘王
春二月新羅王奈勿薨嗣子幼弱國人

奉實聖而立之實聖金闕智裔孫伊喰大西

知之子也○三月新羅遣未斯欣質于倭王

常恨奈勿王質已於高勾麗思欲釋憾於其

子而遣之○高勾麗侵燕平州刺史慕容歸

棄城走

卯癸

晉元興二年新羅實聖王二年高勾麗
廣開土王十二年百濟阿莘王十二年春正
月新羅以未斯品為舒弗耶委以軍國事

辰甲

晉元興三年新羅實聖王三年高勾麗
廣開土王十三年百濟阿莘王十三年冬十

巳乙

一月高勾麗侵燕

晉義熙元年新羅實聖王四年高勾麗
土王十四年百濟阿莘王十四年廣開
年春正月燕王熙來攻高勾麗遼東城且陷

命將士毋得先登俟剡平其城朕與皇后乘

輦而入由是城中得嚴備卒不克而還○三

月百濟白氣自王宮西起如匹練○秋九月

百濟王阿莘薨太子腆支質倭國不還太子

仲弟訓解攝國政以待太子之還季弟磔禮

殺訓解自立為王腆支聞王計痛哭請歸倭

主以兵百人衛送腆支既至國界漢城人解

忠迎謂曰大王棄世磔禮殺兄自立願太子早為之計腆支以倭兵自衛依海島備之國入殺磔禮迎立為王

丙午

晉義熙二年新羅實聖王五年高句麗冬十月廣開土王十五年百濟腆支王二年

二月燕王熙襲契丹至陁北畏契丹之衆欲

還遂棄輜重輕兵襲高句麗燕軍行三千餘

里士馬疲凍死者屬路攻木底城不克而還

丁未

晉義熙三年新羅實聖王六年高句麗春二月廣開土王十六年百濟腆支王三年

月百濟以餘信為內臣佐平解須為內法佐

平解丘為兵官佐平皆王戚也○夏四月駕

洛國王伊尸品率子坐知立坐知得傭女而

嬖之又寵任女黨國大亂新羅謀伐之其臣

朴元道諫之又卜士為坐知筮之得解卦其

辭曰解而拇朋至斯孚坐知謝之擯女子荷

山島

戊申

晉義熙四年新羅實聖王七年高句麗春正月廣開土王十七年百濟腆支王四年

月百濟以餘信為上佐平委以軍國政事上

佐平之職始於此○二月新羅王聞倭人置

營於對馬島鍊兵儲糧謀將襲之欲先其未

發擊破之舒弗部未斯品曰臣聞兵凶器戰

危事况涉巨浸以伐人腕或失利悔不可追
不若依險設關來則禦之使不得侵掠伺其
便出擊之此所謂致人而不致於人策之上
也王從之○三月高勾麗遣使北燕且叙宗
族北燕王雲遣侍御史李拔報之雲祖父高
和本高勾麗之支庶也仕燕自謂高陽氏之
苗裔以高為氏焉雲深沉有局量厚重希言
時人咸以為愚唯馮跋奇而友之慕容寶之
為太子也雲以武藝給事東宮拜侍御郎襲
破慕容會軍寶子之賜姓慕容氏封夕陽公

燕王熙之葬苻氏也跋詣雲謀立之雲懼曰
吾嬰疾歷年卿等不知更圖之跋逼曰慕容
世衰河間暴虐逆亂天常百姓思亂此天亡
之時公本高氏名家何能為他養子機運難
搖千載一時公為得辭扶之而出雲曰卿今
興達大事累見推逼所以徘徊非為身也實
惟不德不足以濟黎元耳跋等強之雲即天
王位復姓高氏改元正始立妻李氏為天王
后子彭為太子

壬子

癸丑

月高勾麗王立子巨璉為太子○秋七月高
勾麗築國東禿山等六城移平壤民戶

晉義熙八年新羅實聖王十一年高勾麗高
廣開土王二十一年百濟腆支王八年

勾麗請質于新羅王遣卜好為質卜好未斯
欣之兄也王既質未斯欣於倭憾猶未釋復
以上好質於高勾麗

晉義熙九年新羅實聖王十二年高勾麗廣
開土王二十二年長壽王元年百濟腆支王

九年冬十月高勾麗王談德曼彌曰廣開土王

太子巨璉立○高勾麗遣長史高翼如晉奉

表獻赭白馬帝封王為高勾麗王樂浪郡公

丙辰

丁巳

晉義熙十二年新羅實聖王十五年
祇麗長壽王四年百濟腆支王十二年夏五

月新羅吐含山崩水湧高三丈○晉遣使冊

百濟王為使持節都督百濟諸軍事鎮東將

軍百濟王

晉義熙十三年新羅實聖王十六年
元年高勾麗長壽王五年百濟腆支王十三年

年夏五月新羅訥祗弒其君實聖自立彌麻

立于訥祗奈勿王子也初奈勿王以實聖質

於高勾麗實聖怨之及為王欲害其子以報

之密遣人招麗人之素相善者殺訥祗令訥

祗往逆麗人見訥祗奇之告曰爾王使我害

君今見君其忍害諸乃歸訥祗怨王弒之○
秋七月百濟徵東北二部人年十五已上築
沙口城使兵官佐平解丘督其役

千戊

晉義熙十四年新羅訪祗王二十年高勾麗長壽王六年百濟腆支王十四年春新

羅遣軟良州干朴堤上如高勾麗堤上與五
弟卜好自高勾麗來初王即位思見未斯欣
卜好求得辯士往說之聞堤上勇而謀可以
濟事召問曰吾二弟久質倭麗何術以生還
堤上曰臣聞主憂臣辱主辱臣死論難易而
後行謂之不忠圖死生而後動謂之無勇臣

雖無狀請行遂聘高勾麗語王曰臣聞交隣
之道誠信而已若交質子則不及五霸誠未
世之事也今寡君之愛弟卜好在此殆將十
年寡君以鵲鴿在原之意永懷不已若大王
惠然歸之則若九牛落一毛無所損也而寡
君之德大王可量也哉高勾麗王然之許與
堤上同歸堤上婆娑王五世孫也○秋新羅
朴堤上如倭死之王弟未斯欣自倭來初卜
好既還王語堤上曰我念二弟如左右臂今
只得一臂乃何堤上曰臣雖駑才既以身許

國有何敢許然高勾麗大國王亦賢臣得以
一言悟之若於倭當以謀給不可以口舌論
臣若得罪而逃者及臣既行請囚臣家屬乃
以死自誓不見妻子抵栗浦已解纜其妻追
至大哭堤上曰我已將命自分必死遂入倭
國若叛者倭主疑之先是百濟人入倭國給
言新羅與高勾麗將謀伐倭主遂遣兵邏戍
會高勾麗侵新羅并其邏卒殺之倭主以百
濟人言為實及聞新羅王囚未斯欣堤上家
屬謂堤上實叛者於是出師將襲新羅仍以

堤上未斯欣為鄉道行至海島諸將密議滅
新羅執堤上未斯欣妻孥以還堤上知之與
未斯欣日乘舟若遊玩然倭人不疑堤上勸
未斯欣潛還未斯欣曰豈忍捨君而獨行堤
上曰若能救公之命而慰大王之情則足矣
安敢愛生未斯欣泣辭遁還堤上獨寢舟中
晏起以俟未斯欣遠行倭人訶知未斯欣之
亡縛堤上追之會煙霧晦冥不及倭主怒囚
堤上鞫之曰汝何竊遣未斯欣耶堤上曰臣
是鷄林之臣欲成吾君之志耳倭主怒曰今

汝已為我臣而稱鷄林之臣則必具五刑若稱倭國之臣者必賞以重祿堤上曰寧為鷄林之犬狔不為倭國之臣子寧受鷄林之箠楚不受倭國之爵祿倭主怒剝堤上脚刈簪葭使趨其上問曰汝何國臣曰鷄林之臣也使立於熱鐵上問何國之臣曰鷄林之臣也倭主知不可屈乃燒殺木島中王聞之哀慟贈堤上大阿餐厚賜其家使未斯欣娶其弟二女未斯欣之來王命六部郊迎及見握手相泣置酒極娛作憂息曲慰之後堤上妻率三女上鷄述嶺望倭國痛哭而死仍為鷄述神母今有祠

臣等按士生天地間所甚重者身也又有重於身者曰忠義志節而已蓋先忠義而後其身重志節而輕其身惟天下烈丈夫能之今於朴堤上見之堤上良州一老干耳王未嘗尊位重祿圖議國政堤上亦未有食君之粟任君之事則無死君之義也王聞人之薦而舉之遽屬大事而使強鄰其為計危且殆矣堤上聞命忠憤慷慨之

心自激於中當西使高勾麗也出萬死之力掉三寸之舌從容立談之間麗主感悟乃還質子功不細矣及東使日邦也吾計得行質子既還自分必死寄命虎狼之口而不辭其忠肝義膽強毅果敢之氣屹如山岳孰得而撼搖哉及倭主備諸酷刑千剉萬苦愈剛愈勁曾不小屈甘心就死豈非所謂先忠義重志節天下之烈丈夫乎嗚呼荆軻聶政以匹夫之勇行盜賊之謀然輕生忘死自快於心後世猶稱之况忘

新羅內祗王高勾麗長壽王百濟毗有王

身徇國視死如歸如堤上者豈易得哉

庚申

宋高祖永初元年新羅訥祗王四年高勾麗長壽王八年百濟腆支王十六年久余辛王元春三月百濟王腆支薨長子久余辛立

千酉

宋永初二年新羅訥祗王五年高勾麗長壽王九年百濟父余辛王二年夏五月駕洛國王坐知率子吹希立

癸亥

宋少帝景平元年新羅訥祗王七年高勾麗長壽王十一年百濟父余辛王四年夏四月新羅王養老於南堂親執食賜穀帛有

差

甲子

宋文帝元嘉元年新羅訥祗王八年高勾麗長壽王十二年百濟父余辛王五年春二月新羅遣使高勾麗修聘王勞慰特厚○

卯丁

秋九月高勾麗大有年王宴羣臣

宋元嘉十四年百濟王父尔辛薨長子毗有立

○高勾麗移都平壤

宋元嘉十六年新羅訥祗王十三年高勾麗長壽王十七年百濟毗有王三年秋百

濟遣使宋朝○冬十月百濟上佐平餘信率

以解須代之

宋元嘉十七年新羅訥祗王十四年高勾麗長壽王十八年百濟毗有王四年夏四

月宋以百濟復修職貢遣使冊授前王腆支

爵弼

高勾麗長壽王百濟毗有王

酉癸

宋元嘉十五年新羅訥祗王十七年高勾麗長壽王二十一年百濟毗有王七年夏五

月新羅王弟朱斯欣率贈舒弗郎○秋七月

百濟遣使新羅請和從之

宋元嘉二十一年新羅訥祗王十八年高勾麗長壽王二十二年百濟毗有王八年春

二月百濟遣使送良馬二匹于新羅○秋九

月百濟送白鷹于新羅○冬十月新羅王以

黃金明珠報聘于百濟

宋元嘉二十二年新羅訥祗王十九年高勾麗長壽王二十三年百濟毗有王九年春

二月新羅修葺歷代園陵○夏六月高勾麗

王遣使朝魏且請國諱世祖嘉其誠欵使錄

亥乙

戌甲

子丙

帝系及諱以與之遣負外散騎侍郎李敖拜
王為都督遼東諸軍事征東將軍領護東夷
中郎將遼東郡開國公高勾麗王遣使謝
恩○燕王馮弘遣使乞投于高勾麗初魏人
數伐燕燕日危蹙弘曰若事急且東依高勾
麗以圖後舉至是密遣尚書陽伊請迎

宋元嘉十三年新羅訥祇王二十年高勾麗長壽王二十四年百濟毗有王十年燕

王遣使入貢于魏請送侍子魏主不許將討
之遣使諭高勾麗○魏攻燕白狼城克之高
勾麗王遣將葛盧孟光將兵數萬隨陽伊至

丑丁

和龍迎燕王弘葛盧孟光入城命軍脫弊褐
取燕武庫精伏以給之大掠城中五月燕王
率龍城見戶東徙焚宮殿火一旬不滅令婦
人被甲居中陽伊等勒精兵居外葛盧孟光
帥騎殿後方軌而進前後八十餘里魏主聞
之遣散騎常侍封撥來令送燕王高勾麗王
遣使入魏奉表稱當與馮弘俱奉王化魏主
以王違議詔擊之將發隴右騎率劉絜及樂
平王丕等諫乃止

宋元嘉十四年新羅訥祇王二十一年高勾麗長壽王二十五年百濟毗有王十一年

寅戊

春二月高句麗遣使朝魏

宋元嘉十五年新羅訥祇王二十二年高句麗長壽王二十六年百濟毗有王十二年

春三月高句麗殺燕王弘初弘至遼東三遣使勞之曰龍城王馮君爰適野次士馬勞乎弘慙怒稱制讓之王處之平郭尋徙北豐弘素侮高句麗政刑賞罰如在其國王乃奪其侍人取其太子王仁為質弘怨之遣使如宋上表求迎宋太祖遣王白駒等迎之并令高句麗資送王不欲弘南往遣將孫漱高仇等殺弘于北豐并其子孫十餘人白駒以所領

申甲

七千餘兵掩討殺仇擒漱王以白駒等專殺執送之太祖不欲違其意下白駒等獄已而

原之○夏新羅教民牛車之法

宋元嘉二十一年新羅訥祇王二十八年高句麗長壽王三十二年百濟毗有王十八年

夏四月倭寇新羅圍金城十日糧盡乃歸王欲出兵追之左右曰兵法窮寇勿追王其舍之不聽率數千騎追至獨山東合戰為賊所敗將士死者過半王蒼黃棄馬登山賊圍王數重忽昏霧不辨咫尺賊謂有陰助收兵乃退

庚寅

辛卯

乙未

戊戌

己亥

辛丑

東鑑四

二十一

宋元嘉二十七年新羅訖王三十四年高
 勾麗長壽王三十八年百濟毗有王二十四
 年秋七月高勾麗邊將獵於悉直原新羅何
 瑟羅城主三直出兵掩殺之高勾麗王怒使
 告曰孤與大王修好已久今殺我邊將是何
 義耶乃與師侵新羅西邊王卑辭謝之乃歸
 宋元嘉二十八年新羅訖王三十五年高
 勾麗長壽王三十九年百濟毗有王二十五
 年春二月駕洛國王吹希率子銍知立
 宋孝武帝孝建二年新羅訖王三十九年
 高勾麗長壽王四十二年百濟毗有王二十
 九年蓋鹵秋百濟王毗有薨長子慶司立後
 王元年改餘慶是為蓋鹵王○冬十月高勾麗侵百

濟新羅王遣兵救之○高勾麗遣使朝宋

宋大明二年新羅訖王四十二年慈悲王
 元年高勾麗長壽王四十六年百濟蓋鹵王
 四年春二月新羅地震金城南門毀○秋八月

新羅王訖祗薨長子慈悲立

宋大明三年新羅慈悲王二年高勾麗
 長壽王四十七年百濟蓋鹵王五年夏五
 月倭以兵船百餘艘襲新羅東邊進圍月城

四面矢石如雨王固守賊將退出兵擊敗之
 追至海口賊溺死者過半

宋大明五年新羅慈悲王四年高勾麗
 長壽王四十九年百濟蓋鹵王七年春二
 月新羅王納舒弗邨未斯欣女為妃

權近曰按大婚重禮也合二姓之好為宗廟社稷主是不可以不謹也故禮不嫁同姓雖至百世婚姻不通所以附遠厚別以謹男女之際也慈悲王納其季父未斯欣之女為妃其無人道甚矣夫王與妃同其祖矣以奉宗廟之祀神其享之乎神不享則祚必不長矣傳曰男女同姓其生不繁慈悲生智炤智炤遂絕嗣可不戒哉

癸卯

宋大明七年新羅慈悲王六年高勾麗春二月倭侵新羅軟良城不克而去王命代智德

丙午

智伏兵於歸路要擊大敗之王以倭屢侵疆場築沿邊二城○秋宋策高勾麗王為車騎大將軍開府儀同三司

宋明帝泰始二年新羅慈悲王九年高勾麗長壽王五十四年百濟蓋鹵王十一年春
三月高勾麗遣使朝魏魏文明太后以帝六宮未備教王令薦其女王奉表云女已出嫁請以弟女應之許焉乃遣安樂王真尚書李敷等至境送幣或有說王者曰魏昔與燕婚姻既而伐之由行人具知夷險故也殷鑑不遠宜以計辭之王遂上書稱弟女死魏疑其

子壬

酉己

詐又遣假散騎常侍程駿切責之若審死者
聽更選宗淑王欲奉詔會帝崩乃止

宋泰始五年新羅慈悲王十二年高句麗
長壽王五十七年百濟蓋鹵王十五年春

正月新羅定京都坊名

宋泰豫元年新羅慈悲王十五年高句麗
麗長壽王六十年百濟蓋鹵王十八年春二

月高句麗遣使朝魏秋七月又遣使朝貢自

此貢獻倍前其報賜亦加焉○百濟王遣使

朝魏上表曰臣立國東極豺狼隔路雖世承

靈化莫由奉藩瞻望雲闕馳情因極謹遣私

署冠軍將軍駙馬都尉弗斯侯長史餘禮龍

新羅慈悲王高句麗長壽王百濟蓋鹵王

驥將軍帶方太守司馬張茂等克達天庭宣

暢臣志又云臣與高句麗源出扶餘先世之

時篤崇舊款其祖劍輕廢隣好親率士衆凌

踐臣境臣祖頹整旅電邁應機馳擊矢石暫

交梟斬劍首自爾已來莫敢南顧自馮氏數

終餘燼奔竄醜類漸盛遂見凌逼構怨連禍

三十餘載財殫力竭轉自孱蹶若天慈曲矜

遠及無外速遣一將來救臣國當奉送鄙女

執箒後官并遣子弟牧圉外廐尺壤匹夫不

敢自有又云今璉有罪國自魚肉大臣強族

東鑑四
裁殺無已罪盈惡積民庶崩離是滅亡之期
假手之秋也天威一舉有征無戰臣雖不敏
志効畢力當率所統承風響應且高勾麗不
義逆詐非一南通劉氏北約蠕蠕共相唇齒
謀凌王略涓流之水宜早壅塞今若不取將
貽後悔陛下氣合天地勢傾山海豈令小豎
跨塞天遠帝以其僻遠冒險朝獻禮遇尤厚
遣使者邵安與其使俱還詔曰卿在東隅慶
五服之外不遠山海歸誠上國欣嘉至意用
載于懷朕君臨四海統御羣生今宇內清一

八表歸義卿與高勾麗不睦屢致凌犯苟能
順義守之以仁亦何憂於寇讎也卿修先君
之舊怨棄息民之大德兵交累載難結荒邊
使兼申胥之誠國有楚越之急乃應展義扶
微乘機電舉但以高勾麗稱藩先朝供職日
久於彼雖有自昔之釁於國未有犯令之愆
卿使命始通便求致伐尋討事會理亦未周
今若違旨過咎益露然後興師討罪於義為
得卿之來謀載協朕意元戎啓行將不云遠
師舉之日卿為鄉道之首大捷之後又受元

功之賞不亦善乎所獻錦布海物雖不悉達
 明卿至心分賜雜物如別幅又詔連護送安
 等至高勾麗璉稱昔與餘慶有讎不令東過
 安等於是皆還乃下詔切責之後使安等從
 東萊浮海賜餘慶璽書褒其誠節安等至海
 濱遇風飄蕩竟不達而還百濟王以上表乞
 師於魏不從怨之遂絕朝貢

將軍

春正月新羅以阿食伐智級食德智為左右

宋廢帝元徽元年新羅慈悲王十六年高
 勾麗長壽王六十一年百濟蓋鹵王十九年

宋元徽三年新羅慈悲王十八年高句麗長
 壽王六十三年百濟蓋鹵王二十一年文周
 王元春正月新羅王移居明浩城○秋九月
 高勾麗王臣璉自將攻百濟殺其王餘慶初
 高勾麗王陰求可以間百濟者得屠道琳應
 募曰臣雖無能思有以報國願大王指使之
 王悅密遣之琳偽得罪亡入百濟時百濟王
 好博奕琳詣王門告曰臣少而學碁頗入妙
 王召與碁碁國手遂尊為上客甚昵之恨相
 見之晚琳一日侍坐從容言臣異國人上不
 疎外息私甚隆未有分毫之益願獻一言王

曰第言之琳曰大王之國四面山河天設之險四隣莫敢覬覦奉事之不暇王當以崇高之勢富有之業竦人之視聽而城郭不葺宮室不修先王骸骨權擗露地百姓屋廬屢毀河流臣竊為大王不取也王曰諾盡發國人悉土築城又起宮室樓閣臺榭無不壯麗取大石於郁里河作梯以葬父骨緣河樹堰自蛇城東至崇山之北由是倉庾虛竭人民窮困國勢甚危琳逃還以告高句麗王王喜將伐之濟王聞麗王來伐謂子文周曰子惠而

不明信用姦人之言以至於此民殘而兵弱

誰肯為我力戰吾當死於社稷汝在此俱死

無益也盍避亂以存宗祀文周乃與木菟滿

致祖彌桀取木菟祖彌皆復姓南行焉至是麗王率

兵三萬圍百濟漢城王閉城門不出戰高句

麗分兵四道夾攻對盧齊于再曾桀婁古介

萬牟等再曾古介皆復姓攻北城七日拔之務攻南

城乘風縱火焚燒城門城中危急或有欲出

降者王寤不知所圖以數十騎出城西走桀

婁等追之王下馬拜桀婁向面三唾之乃數

其罪縛送於阿且城下害之虜男女八千而歸桀婁萬年本百濟人獲罪逃入高句麗至是為鄉導

金富軾曰楚明王之亡也鄭公辛之弟懷將弒明王曰平王殺吾父我殺其子不亦可乎辛曰君討臣誰敢讎之君命天也若死天命將誰讎桀婁等自以罪不見容於國而導敵兵縛前君而害之其不義也甚矣曰然則伍子胥之入郢鞭尸何也曰揚子法言評此以為不由德所謂德者仁與

義而已矣則子胥之狠不如鄭公之仁以此論之桀婁等之為不義也明矣

臣等按昔蘇秦說齊王高宮室大園囿欲以弊齊而為燕張儀為秦相魏而誘魏事秦縱橫之徒反覆狙詐人誰不知者乃何齊魏之君墮於術中迷而不悟乎蓋人主必有可乘之釁然後人得以窺其隙而敵亦間之齊魏之為儀秦所間者莫非自取也蓋鹵喜一區區小技迷心惑志遂為敵國所餌為老髡所弄如傀儡在技人之手

丙辰

惟其所使使之高宮室飾臺榭則從之使之造石槲築河堰則從之倉庾既罄民力既悴卒之國事已去敵兵奄至雖欲噬臍及乎身死敵鋒貽笑後世是誰之愆耶百濟王子文周即位初文周求救於新羅得兵一萬比還城破王死麗兵已退遂即位性柔少斷然亦愛民○冬十月百濟移都熊津

宋元徽四年新羅慈悲王十九年高句麗長壽王六十四年百濟文周二年夏四月

率耽羅在南海中古初無人物有三神人從

丁巳

地湧出長曰良乙那次曰高乙那三曰夫乙那一日三人出獵海濱得石函開之有三女及諸駒犢五穀種遂分娶三女各就泉甘土肥處卜居焉良乙那居曰第一都高乙那居曰第二都夫乙那居曰第三都始播五穀且牧駒犢日就富庶耽羅或稱耽牟羅○六月倭侵新羅東邊王命將軍德智擊敗之殺虜二百餘人○秋八月百濟以解仇為兵官佐平

宋順帝昇明元年新羅慈悲王二十年高句麗長壽王六十五年百濟文周二年三片

4戊

年王元夏四月百濟王立長子三斤為太子○
百濟解仇弒其君文周太子三斤立年十三
軍國政事一委解仇初解仇擅權亂法畜無
君之心王不能制至是王出獵宿於外解仇
使盜弒之

宋昇明二年新羅慈悲王二十一年高勾春
麗長壽王六十六年百濟三斤王二年

百濟解仇伏誅解仇與恩率燕信聚眾據大
豆城叛王命佐平真男以兵二千討之不克
更命德率真老帥精兵五百誅解仇燕信奔
高勾麗收其妻子斬於熊津市

金富軾曰春秋之法君弒而賊不討則深
責之以為無臣子也解仇賊弒其君其子
三斤繼立非徒不能誅之又委之以國政
至於據一城以叛然後再興大兵以克之
所謂履霜不戒馴致堅冰熒熒不滅至于
炎炎其所由來漸矣

權近曰解仇賊弒其君專擅國政據城以
叛三斤以童稚之年乃能再命良將聲罪
致討以復君父之讎有足多者矣

新羅有人家甚貧衣百結暑懸鶉時人因號

未己

為百結先生慕榮啓期之為人常以琴自隨
凡喜怒哀歡不平之事必於琴宣之歲將暮
隣里春栗其妻聞杵聲曰人皆有栗可春我
獨無何以卒歲先生仰天嘆曰夫死生有命
富貴在夫其來也不可拒其往也不可追汝
何傷乎乃鼓琴作杵聲以慰之世傳為確樂
宋昇明三年齊高帝建元元年高句麗長壽王六十年
十二年百濟王元春二月新羅王慈悲薨長
七年百濟王元春二月新羅王慈悲薨長
三年東城王元年子焯智立大赦賜百官爵一級○冬十一月
百濟王三斤薨文周王弟昆支之子牟大立

申庚

酉辛

齊建元二年新羅焯智王二年高句麗
長壽王六十八年百濟東城王二年夏四
月齊策高句麗王為驃騎大將軍王遣餘奴
等報謝魏光州人於海中得餘奴等以獻魏
高祖詔責王曰道成弒君竊位朕方欲興滅
國於舊邦繼絕世於劉氏而卿外交篡賊豈
藩臣守節之義然不以一過掩卿舊款即送
還之卿其祗承明憲輯寧所部動靜以聞
齊建元三年新羅焯智王三年高句麗
長壽王六十九年百濟東城王三年春三
月高句麗與靺鞨入新羅北邊取孤鳴等七
城又進軍於彌秩夫新羅軍與百濟加耶棓

壬戌

甲子

兵分道擊之高句麗靺鞨兵退追擊之破於

泥河西斬首千餘級○高句麗遣使朝齊

齊建元四年新羅炤智王四年高句麗長壽王七十年百濟東城王四年春正月

百濟以真老為兵官佐平蕪知內外兵馬事

齊武帝永明二年新羅炤智王六年高句麗長壽王七十二年百濟東城王六年春

二月百濟王聞齊策高句麗王為驃騎大將

軍遣使上表請內屬許之○秋七月高句麗

侵新羅北邊新羅軍與百濟合擊於毋山城

下大破之○百濟遣內法佐平沙若思朝齊

若思至西海中遇高句麗兵不達而還○冬

十月高句麗遣使朝魏時魏以高句麗方強

置諸國使邸齊第一高句麗次之

齊永明三年新羅炤智王七年高句麗長壽王七十三年百濟東城王七年夏四

月新羅王祀始祖廟增置守廟二十家

齊永明四年新羅炤智王八年高句麗長壽王七十四年百濟東城王八年春二

月百濟以為加為衛士佐平

齊永明五年新羅炤智王九年高句麗長壽王七十五年百濟東城王九年春三

月新羅始置四方郵驛命有司修官道

齊永明六年新羅炤智王十年高句麗長壽王七十六年百濟東城王十年春正

月十五日新羅王幸天泉亭有烏啣書來鳴

戊辰

丁卯

丙寅

乙丑

得其書書外面云開見二人死不開一人死
王曰與其二人死孰若一人日官奏云一人
者王也王開視之書曰射琴匣王入宮射之
果有人乃內殿焚修僧與王妃潛通者也妃
與僧皆伏誅自是國俗每歲是日以糲飯祭
鳥又以龍能與兩馬能服勞有功於人猪鼠
耗穀有害於人每於歲首辰午亥子日設祭
以祈禳因禁百事相與遊樂謂之慎日○新
羅王移居月城○二月新羅王幸一善郡存
問鰥寡孤獨賜穀有差○秋魏遣兵伐百濟

百濟東城王

敗績

世

齊永明七年新羅炤智王十一年高勾麗
長壽王七十七年百濟東城王十一年春

正月新羅驅游食人歸農○秋百濟大有年
○九月高勾麗襲新羅北邊至戈峴陷孤山
城○百濟王宴羣臣於南堂

東國通鑑卷之四

東國通鑑卷之五

三國紀

新羅

高勾麗

百濟

午庚

齊末明八年新羅昭智王十二年高勾麗春
長壽王七十八年百濟東城王十二年

新羅初置市肆以通四方之貨○秋九月百

濟王田於泗沘原

未辛

齊末明九年新羅昭智王十三年高勾麗長
壽王七十九年文咨王元年百濟東城王十

年夏六月百濟熊津水漲漂沒王都二百餘

家○秋七月百濟民飢亡入新羅者六百餘

家○冬十二月高勾麗王巨璉薨年九十八

申土

彌長壽王大孫羅雲立○魏主聞高勾麗王計制素委貌布深夜舉哀於東郊遣謁者僕射李安上策贈車騎大將軍太傅遼東郡開國公高勾麗王謚曰康

齊永明十年新羅炤智王十四年高勾麗文咨王二年百濟東城王十四年春三

月魏遣使拜高勾麗王為使持節都督遼海諸軍事征東將軍領護東夷中郎將遼東郡開國公高勾麗王賜衣冠服物車旗之飾又詔王遣世子入朝王辭以疾遣從叔升千隨使者入朝○夏六月高勾麗遣使朝魏○駕

酉癸

洛國王銍知率子鉗知立

齊永明十一年新羅炤智王十五年高勾麗文咨王三年百濟東城王十五年春二

月百濟王遣使新羅請婚以伊伐喰比智女歸之

戌甲

齊明帝建武元年新羅炤智王十六年高勾麗文咨王四年百濟東城王十六年春

二月扶餘王以國降高勾麗○秋七月新羅將軍實竹等與高勾麗戰薩水原不克退保大牙城高勾麗兵圍之百濟王遣兵三千來救解圍○齊策高勾麗王為使持節散騎常侍都督營平二州諸軍事征東大將軍樂浪

公

亥乙

齊建武二年新羅炤智王十七年高勾秋八

麗文咨王五年百濟東城王十七年月高勾麗遣兵圍百濟雉壤城百濟請救於

新羅王命將軍德智率兵救之高勾麗衆潰

百濟王遣使謝之

子丙

齊建武三年新羅炤智王十八年高勾夏五

麗文咨王六年百濟東城王十八年月齊進高勾麗王為車騎將軍王遣使朝齊

○秋七月高勾麗遣兵攻新羅牛山城新羅

將軍實竹出擊泥河上敗之

丑丁

齊建武四年新羅炤智王十九年高勾秋七

月新羅旱蝗命羣臣舉才堪牧民者各一人

○八月高勾麗遣兵攻新羅牛山城取之

齊求泰元年新羅炤智王二十年高勾春正

麗文咨王八年百濟東城王二十年月高勾麗王立子與安為太子○百濟王以

耽羅不修貢賦親征至武珣州耽羅聞之遣

使之罪乃止

卯己

齊東晉侯末元元年新羅炤智王二十一年

高勾麗文咨王九年百濟東城王二十一年夏百濟大旱民飢相食盜賊多起羣臣請發

倉賑救王不聽漢山人亡入高勾麗者二千

辰庚

齊求元二年新羅炤智王二十二年

元年高勾麗文咨王十年百濟東城王二十二年

入京監五

三

二春百濟起臨流閣於宮東高五丈又穿池
置園以養奇禽諫臣抗疏不報恐有復諫者
閉宮門

金富軾曰良藥苦口利於病忠言逆耳利
於行是以古之明君虛已問政和顏受諫
猶恐人之不言懸敢諫之鼓立誹謗之木
而不已今年大王諫書上而不省復閉門
以拒之莊子曰見過不更聞諫愈甚謂之
狠其年大王之謂乎

百濟王田於牛頭城雨雹乃止○夏五月百

濟旱王與左者宴臨流閣終夜極歡○秋七
月新羅王納捺已郡女子宮中初王如捺已
郡郡人波路有女碧花姿尚艷其父盛飾置
輦中冪以色綃獻之王視之即羨女也恠而
不納後追念微行屢至其第幸之路經古隨
郡問一老嫗曰國人以王為何如主嫗曰衆
以為聖妾獨疑之竊聞王幸捺已女屢微服
而行夫龍為魚服漁者所制今王以萬乘之
尊不自慎重此而為聖孰非聖乎王大慙潛
逆其女納宮中

巳辛

臣等舉動人君之大節出警入蹕左右
扈從儀衛甚嚴猶懼其不自慎重况離深
宮棄法駕忘銜縶之虞罔晝夜縱色荒者
乎王之過舉如此雖無知婦女猶知不可
王何不能自寤尋自逆女以遂其非乎
冬十一月新羅王照智薨無嗣王再從弟智
大路立年六十四奈勿王曾孫也

齊和帝中興元年新羅智證王二十二年高句麗
文咨王十一年百濟東城王二十三年武寧
王元年秋八月百濟築加林城以衛士佐平為
加鎮之○冬十一月百濟為加弒其君年大

初王以加鎮加林城加不欲往辭以疾王不
聽遂怨王至是王獵泗泚東原又獵熊川北
原又田於泗泚西原阻大雪宿於馬浦村加
使人刺之踰月薨號東城子斯摩立或名餘
隆

壬壬

齊中興二年梁武帝天監元年新羅智證王
三年高句麗文咨王十二年百濟武寧王二
年春正月百濟為加伏誅加據加林城叛王
率兵至牛頭城命扞率解明討之加出降斬
投之白江

金富軾曰春秋曰人臣無將將而必誅若

苟加之元惡大慙則天地所不容不即罪之至是自知難免謀叛而後誅之晚也
權近曰人臣之罪莫大於弑逆今苟加既行弑逆舉城以叛其勢強矣武寧即位未久而能率勵將士執而誅之以正其罪可謂得討賊之義矣

二月新羅禁殉葬前此王薨殉以男女各五人至是禁焉

臣等按古之葬者有明器如塗車芻靈但備物而已後世不遵古法作俑以葬其弊

至於殉人不仁孰大於是新羅之法王薨必殉習以為常歷數十世而莫有能革者王能下令禁之其視秦穆之亂命康公之迫而納之於壙者豈不賢矣哉

三月新羅分命州郡主勸農始用牛耕

梁天監二年新羅智證王四年高句麗文咨王十三年百濟武寧王三年秋九月

靺鞨燒百濟馬首柵進攻高木城王遣兵五千擊退之○冬十月新羅始定國號稱王羣

臣上言始祖創業以來國號未定或稱斯羅或稱斯盧或稱新羅臣等以為新者德業日

未矣

新羅者網羅四方之義則其為國號宜矣又觀自古有國家者皆稱帝稱王自我始祖立國至今二十二世但稱方言未正尊號今羣臣定議謹上號新羅國王王從之

梁天監三年新羅智證王五年高句麗文咨王十四年百濟武寧王四年夏四月

新羅制喪服法○高句麗遣芮悉弗如魏魏主引見東堂悉弗進曰小國係誠天極累葉純勤地產土毛無愆王貢但黃金出自扶餘珂則涉羅所產扶餘為勿吉所逐涉羅為百濟所并二品所以不登王府實由兩賊魏主

新羅智證王高句麗文咨王百濟武寧王

曰高句麗世荷上獎專制海外九夷黠虜悉得征之瓶罄罍恥誰之咎也方貢之愆責在連帥卿宜宣朕志於卿主務盡威懷輯寧東裔使二邑還復舊墟土毛無失常貢○秋九月新羅築波里彌實玳德骨火等十二城

梁天監四年新羅智證王六年高句麗文咨王十五年百濟武寧王五年春二月

新羅王親定國內州郡縣置悉直州以金異斯夫為軍主異斯夫嘗為邊官用居道術以馬戲取加耶國○冬十一月新羅始命有司藏冰制舟楫之利

丙戌

梁天監五年新羅智證王七年高勾春百濟

麗文咨王十六年百濟武寧王六年大疫自三月不雨至五月川澤渴民飢穀倉

賑之○秋七月靺鞨侵破百濟高木城殺虜

六百餘人

梁天監六年新羅智證王八年高勾夏五月

麗文咨王十七年百濟武寧王七年百濟立二柵於高木城南又築長嶺城以備

靺鞨○冬高勾麗遣將高老與靺鞨謀攻百

濟漢城進屯橫岳下百濟出師逆戰乃退

戊子

梁天監七年新羅智證王九年高勾梁詔加

高勾麗王爵曰乃誠款著貢驛相尋宜豐秩

己丑

梁天監八年新羅智證王十年高勾春正月

命式弘朝典可撫軍大將軍開府儀同三司

麗文咨王十九年百濟武寧王九年新羅設京都東市置典監二人

梁天監九年新羅智證王十一年高勾春正

壬辰

麗文咨王二十二年新羅智證王十二年春

三月高勾麗遣使朝梁○夏四月百濟遣使

朝梁○六月于山國降新羅納土貢國在溟

州正東海島名鬱陵地方百里恃險不服伊

飡異斯夫為何瑟羅州軍主謂于山人愚悍

午甲

難以威來可以計服乃以木造獅子形分載戰船抵其島誑之曰汝若不服即放此獸踏殺之國人懼乃降○秋九月高勾麗襲取百濟加弗城移兵破圓山城虜男女一千餘口百濟王帥勇騎三千戰於蒿川北高勾麗人見百濟軍少易之不設陣百濟王出奇急擊大破之

梁天監十三年新羅智證王十五年法興王元年高勾麗文咨王二十四年百濟武寧王十四年春正月新羅置小京於阿尸村秋七月徙六部及南地人戶充之○新羅王智大略

百丁

薨謚智證新羅謚法始於此元子原宗立

梁天監十六年新羅法興王四年高勾麗文咨王二十七年百濟武寧王十七年百

四月新羅始置兵部令一人

亥己

梁天監十八年新羅法興王六年高勾麗文咨王二十九年安藏王元年百濟武寧王十

九年高勾麗王羅雲薨號文咨明王太子興安立魏靈太后舉哀於東堂遣使策贈車騎大

將軍

子庚

梁普通元年新羅法興王七年高勾麗安藏王二年百濟武寧王二十年春正月

新羅頒律令始制百官公服用朱紫自太角千至大阿飡紫衣阿飡至級飡緋衣並牙

笏大柰麻柰麻青衣大舍至先沮知黃衣伊
食匝食錦冠波玕食大阿食衿荷緋冠上堂
大柰麻赤位大舍組纓○高勾麗遣使朝梁
○二月梁封高勾麗王為寧東將軍都督營
平二州諸軍事高勾麗王遣江法盛賜王衣
冠劍佩魏兵就海中執之送洛陽魏封王為
安東將軍領護東夷校尉遼東郡開國公高
勾麗王○秋九月高勾麗遣使如梁朝貢
梁普通二年新羅法興王八年高勾麗
安藏王三年百濟武寧王二十一年駕洛
國王鉗知牟子仇衡立○秋八月百濟蝗害

丑辛

穀民飢亡入新羅者九百戶○冬十一月百
濟遣使朝梁先是百濟為高勾麗所破微弱
不振至是上表於梁言其累破高勾麗始得
通好得保疆塲十二月梁詔冊王曰行都督
百濟諸軍事鎮東大將軍百濟王餘隆守藩
海外遠修職貢迺誠款到朕有嘉焉宜率舊
章授茲榮命可授使持節都督百濟諸軍事
寧東大將軍○新羅遣使朝梁
梁普通三年新羅法興王九年高勾麗
安藏王四年百濟武寧王二十二年春三
月加耶國王遣使新羅請婚王以伊食此助

寅壬

癸卯

夫妹歸之

梁晉通四年新羅法興王二十年高句麗安歲王五年百濟武寧王二十三年聖王元年

春二月百濟王幸漢城命佐平因支達率沙

烏等徵漢北州郡民年十五歲以上築雙峴

城三月王至自漢城○夏五月百濟王餘隆

薨謚曰武寧子明禮立○秋八月高句麗遣

兵侵百濟至湏水百濟王命左將志忠帥步

騎一萬擊走之○新羅更定官制服色

甲辰

梁晉通五年新羅法興王十一年高句麗安歲王六年百濟聖王二年秋九月

新羅王巡南境加耶國王來會○新羅又定

戊申

官制○梁冊百濟王為持節都督百濟諸軍

事綏東將軍百濟王

梁大通二年新羅法興王十五年高句麗安歲王十年百濟聖王六年新羅始

行佛法初訥祗王時沙門墨胡子自高句麗

至一善郡郡人毛禮作窟室居之梁遣使賜

王香君臣不知所用與名胡子曰焚此則香

氣芬馥可以致誠於神聖所謂神聖未有過

於三寶一曰佛二曰佛陀三曰達摩三曰僧伽若燒

此發願則必有靈應時王女病革胡子焚香

祝禱病尋愈王喜施報甚厚胡子以所得與

東魏書
毛禮俄不知所之焯智王時有阿道者與其
徒三人亦來毛禮家無幾阿道死三人留讀
經律往往有崇奉者至是王亦欲興佛教羣
臣以為不可王難之近臣異次頓曰請斬小
臣以定衆議王曰欲興佛道而殺不辜可乎
對曰若道之行雖死無憾王召羣臣議僉曰
今僧徒童頭異服議論竒詭從之恐有後悔
異次頓獨曰夫有非常之人然後有非常之
事今佛教淵奧不可不信王曰衆人之言牢
不可破而汝獨異言下吏將誅之異次頓臨

死曰我為法就刑佛若有神吾死必有異及
斬血從斷處湧色白如乳衆恠之不復毀佛
權近曰按佛氏之教清淨寂滅必使此心
之理皆空而至於無乃為正覺心之所具
者三綱五常之理人道之不可須臾離者
也而一切使無之可乎楊朱為我墨翟兼
愛孟子猶謂之無父無君佛氏則甚於楊
墨自佛法入中國楚王英最先好之而叛
具族誅梁武帝最獨信之而子逆國亡豈
非無父無君之說有以致之歟今法興王

酉巳

亥辛

子壬

丑癸

寅甲

欲與其法羣臣共請斥之可謂有良知矣
異次頓不惜其死贊成其計可謂基禍之
主而陷君之臣矣

梁中大通元年新羅法興王十六年高冬十
月高句麗王帥兵侵百濟北鄙取穴城百濟

王命佐平燕謨領步騎三萬戰於五谷原不

克死者二千餘人○新羅禁屠殺

梁中大通三年新羅法興王十八年高句麗
安藏王十三年安原王元年百濟聖王九年

夏四月新羅以伊飡哲夫為上大等摠知國

事上大等始於此○五月高句麗王與安薨

彌為安藏王弟寶延立

梁中大通四年新羅法興王十九年春三月
高句麗安原王二年百濟聖王十年

魏策高句麗王使持節散騎常侍領護東夷

校尉遼東郡開國公高句麗王賜冠服車旗

○冬駕洛國王金仇衡降于新羅王授位上

等以其國為食邑彌金官郡仇衡子武力仕

至角干

梁中大通五年新羅法興王二十年高
句麗安原王三年百濟聖王十一年春正

月高句麗王立子平成為太子

梁中大通六年新羅法興王二十一年夏東
高句麗安原王四年百濟聖王十二年

丙辰

魏詔加高句麗王驃騎大將軍餘悉如故
梁大同二年新羅法興王二十三年高句麗安原王六年百濟聖王十四年秋高
勾麗遣使朝東魏○新羅始稱年號新羅自
國初行中國年號至是因中國分裂自號建
元元年

臣等按建號紀元天子之事諸侯而僭天子之事非所以尊大統也法興變祖宗古制始稱年號越禮犯分僭莫甚焉昔周之時吳楚僭稱王春秋夷狄之而絕之皆所以謹名分也法興之罪不待貶絕而明矣

戊午

厥後泰封盜竊復僭年號雖以屢祖之明達開國之初尚襲此弊而建元天授未必非法興啓之也

梁大同四年新羅法興王二十五年高句麗安原王八年百濟聖王十六年春正月新羅許外官挈家之任○百濟移都泗沘國號南扶餘○新羅滅阿尸良國以其地為郡

庚申

梁大同六年新羅法興王二十七年真興王元年高句麗安原王十年百濟聖王十八年秋七月新羅王原宗薨謚曰法興弟立宗之子多麥宗立年七歲太后攝政○新羅還童

酉辛

男容儀端正者號風月主求善士為徒以礪孝悌忠信

梁大同七年新羅真興王二年高勾麗春新羅麗安原王十一年百濟聖王十九年

拜異斯夫為兵部令掌內外兵馬事○百濟

遣使如梁表請毛詩博士涅槃經義工匠畫

師等從之

甲子

梁大同十年新羅真興王五年高勾麗安原王十四年百濟聖王二十二年春二

月新羅興輪寺成三月王許度人為僧尼勤

於奉佛廣興佛刹

丑乙

梁大同十一年新羅真興王六年高勾麗安原王十五年陽原王元年百濟聖王二十三年

辰戊

年春三月高勾麗王寶延薨號為安原王太子

平成立○秋七月新羅命修國史伊飡異

斯夫請曰國史記君臣之善惡示褒貶於後

代苟不修撰後代何觀王深然之命大阿飡

金居榮夫等集文士撰之

梁大清二年新羅真興王九年高勾麗麗陽原王四年百濟聖王二十六年春正月

高勾麗侵百濟新羅遣兵救之時麗王以滅兵

六千攻漢北獨山城百濟王請救於新羅王

命將軍朱珎領甲兵三千救之朱珎至獨山

城下與高勾麗兵戰大破之殺獲甚衆

巳己

梁大靖三年新羅真興王二十年高勾麗遣使
麗陽原王五年百濟聖王二十七年梁遣使
送佛舍利於新羅王使百官奉迎於輿輪寺
前路初新羅僧覺德入梁求法至是與梁使
俱來○冬十月百濟遣使如梁初百濟王不
知梁有侯景之亂遣使朝貢使者至梁見城
闕殘毀彌泣於端門外見者莫不灑淚景聞
之大怒執囚之及景平得還○新羅加置武
官

午庚

梁簡文帝大寶元年新羅真興王二十一年春
高勾麗陽原王六年百濟聖王二十八年春
百濟王遣將軍達已領兵一萬攻取高勾麗

未辛

道蔭城高勾麗攻陷百濟金峴城新羅王乘
兩國兵疲命伊飡異斯夫出兵擊之取二城
增築留甲士一千以戍○夏六月高勾麗遣
使朝北齊○秋九月北齊冊高勾麗王為使
持節侍中驃騎大將軍領護東夷校尉遼東
郡開國公高勾麗王
梁大寶二年新羅真興王二十二年高勾麗
麗陽原王七年百濟聖王二十九年春正
月新羅改元開國○三月新羅王如娘城召
見于勒及其弟子尼文于河臨宮令奏其樂
二人各製河臨嫩竹二調奏之調共一百八

十五曲先是伽耶國王嘉悉法唐樂部等而製十二絃琴以象十二月乃以諸國方言各異聲音難一命樂師于勒造十二曲曰下加都曰上加羅都曰寶伎曰達已曰思勿曰勿慧曰下奇物曰師子伎曰居烈曰沙八兮曰爾赦曰上奇物尼文所製亦有三曲曰烏曰鼠曰鷄後于勒等知國將亂携樂器投新羅王置之國原○秋九月突厥圍高句麗新城不克移攻白巖城王遣將軍高紇領兵一萬擊之殺獲千餘級○新羅遣將居柒夫等擊

取高句麗十郡居柒夫奈勿王五世孫少有志遠志初為僧欲覘高句麗強弱入其境聞法師惠亮開堂說經遂詣聽講一日亮問曰汝從何來柒夫曰新羅人也亮握手密言曰吾聞人多矣見汝容貌定非常流其殆有心乎柒夫曰我生於偏方未聞道理聞師德譽來趨下風願師不拒亮曰老僧不敏亦能識子此國雖小不可謂無人恐子見執宜速返柒夫將還亮曰汝燕領鷹視必為將帥他日無貽我害柒夫曰果如所言所不與師相好者

申士

有如皦日遂還仕至波珎食至是王命柒夫
及大角食仇珎等八將軍與百濟兵侵高句
麗百濟先攻平壤破之居柒夫等乘勝取竹
以外高峴以內十郡於是亮率其徒見于道
左柒夫曰夙蒙師恩得保性命今日何以為
報亮曰我國政亂滅亡無日柒夫與之歸見
於王王以亮為僧統始置百座講會及八關
之法

梁元帝承聖元年新羅真興王三十三年新羅
高句麗陽原王八年百濟聖王三十三年新羅
王命法知階古萬德等學樂於于勒于勒因

其材教階古以琴法知以歌萬德以舞業成
奏之王曰與前娘城之音無異乃厚賞焉三
人既傳十二曲相謂曰此樂繁淫不雅遂約
為五曲于勒始聞而怒及聽終歎曰樂而不
流哀而不悲可謂正也已遂奏之王大悅諫
者曰加耶亡國之音不足取也王曰加耶王
淫亂自滅於樂何有蓋聖人制樂緣人情以
為節國之理亂不由音調遂用之名其琴曰
伽耶又有玄琴初晉人以七絃琴送高句麗
麗人不知鼓之之法時國相王山岳仍本樣

頗改其制燕製百餘曲以奏有玄鶴來舞遂
名玄鶴琴後稱玄琴又玉寶高者八地理山
雲上院學琴五十年自製新調上院曲一中
院曲一下院曲一南海曲二倚巖曲一老人
曲七竹菴曲二玄合曲一春調曲一秋夕曲
一吾沙息曲一鴛鴦曲一遠岵曲六比目曲
一八實相曲一幽谷清聲曲一降天聲曲一
凡三十曲傳之續命得續命得傳之貴金貴
金亦入地理山不出王恐琴道不傳以伊飡
允興為南原守俾傳其業允興遣安長清長

二人詣山中學之貴金秘不盡傳允興親往
致禮然後傳其所秘飄風等三曲安長傳其
子克宗克宗制七曲克宗之後業琴者亦多
所製音曲有二調一平調二羽調共一百八
十七曲其餘聲遺曲流傳可記者無幾鄉琵琶
又與唐制大同小異其音有三調一宮調
二七賢調三鳳凰調共二百一十二曲○高
勾麗築長安城

梁承聖二年新羅真興王三十四年高勾春二
麗陽原王九年百濟聖王三十一年
月新羅舍新宮為皇龍寺初王命築宮於月

甲戌

城東黃龍見其地因舍為佛寺賜號曰黃龍
○秋七月新羅取百濟東北鄙置新州以阿
食金武力為軍主○冬十月新羅王取百濟
五女為小妃

梁承聖三年新羅真興王十五年高勾麗陽
原王十年百濟聖王三十二年成德王元年

秋七月新羅修明活城○百濟王明禮帥兵
侵新羅軍幸金武力擊殺之先是百濟欲與
新羅合兵謀伐高勾麗新羅王曰國之興亡
在天若天未厭高勾麗則我何敢望乃通高
勾麗高勾麗感其言與新羅通好故百濟王

丁丑

怨之親率步騎來攻管山城軍主角于德
伊食耽知等逆戰失利武力以所領新州兵
赴戰裨將高干都刀擊殺百濟王諸軍乘勝
大克之斬佐平四人士卒二萬九千六百匹
馬無返者○百濟謚王曰聖子昌立

陳武帝末定元年新羅真興王十八年高
勾麗陽原王十三年百濟成德王四年夏

四月高勾麗王立子陽成為太子○新羅以
國原為小京

戊寅

陳末定二年新羅真興王十九年高勾
麗陽原王十四年百濟成德王五年春二
月新羅徙貴戚子弟及六部豪民以實國原

奈麻身得作砲弩置于城

卯巳 陳末定三年新羅真興王二十年高勾麗陽原王十五年平原王元年百濟威德王六年

春三月高勾麗王平成薨蒲陽原太子陽成

立

辰庚 陳文帝天嘉元年新羅真興王二十一年春高勾麗平原王二年百濟威德王七年

二月北齊冊高勾麗王為使持節領東夷校

尉遼東郡公高勾麗王

巳辛 陳天嘉二年新羅真興王二十二年高勾麗平原王三年百濟威德王八年

一月高勾麗遣使朝陳

午壬 陳天嘉三年新羅真興王二十三年高勾麗平原王四年百濟威德王九年

月陳詔授高勾麗王寧東將軍○秋九月新羅滅大加耶時加耶叛王命伊飡異斯夫討之以斯多舍為副斯多舍者奈密王七世孫也年十六為國仙其徒千餘人至是請從軍王以年幼不許固請許之至伽耶領麾下五千騎先入旂檀門立白旗城中驚懼於是異斯夫引兵臨之遂滅其國以其地為大伽耶郡師還策功舍為最王賞以良田及所虜三百口固辭王強之乃受以其田分與戰士只受關川不毛之地生口放為良人無一留者

未癸

申甲

酉乙

國人羨之斯多舍始與武官郎約為死友及

武官死哭之慟七日亦卒年十七

陳天嘉四年新羅真興王二十四年高夏高

勾麗大旱王減膳禱山川

陳天嘉五年新羅真興王二十五年高

遣使朝北齊高勾麗遣使朝北齊

陳天嘉六年新羅真興王二十六年高春正

月高勾麗王立子元為太子二月北齊冊

新羅王為使持節東夷校尉樂浪郡公新羅

王

卯丙

陳天康元年新羅真興王二十七年高春二

月新羅王立子銅輪為太子新羅遣使朝

陳新羅皇龍寺成有率居者畫老松於壁

體幹鮮皴枝葉盤屈烏雀往往望之飛入及

到踏蹬而落畫以色漫寺僧以丹青補之鳥

雀不復至又芬皇寺斷俗寺佛像皆率居手

蹟世稱神畫新羅三賜白雲際厚金闈等

三人爵三級初有二達官家同里閉一時生

男女男曰白雲女曰際厚二家約為婚媾白

雲年十四為國仙十五而盲際厚父母欲改

聘于茂榛太守李佻平際厚將之茂榛密語
白雲曰妾與子生同一辰約為夫婦久矣今
父母改舊而新是圖若違命則為不孝歸茂
榛則死生豈不在我乎子有信義幸尋我於
茂榛信誓而別際厚既歸謂佻平曰婚姻人
道之始不可不消吉為禮佻平從其言白雲
尋至茂榛際厚出從之遂與俱潛行山谷忽
遇使客劫白雲竊際厚而走白雲之徒金闡
勇力過人善騎射追使客殺之奪際厚而還
事聞王曰三人信義可尚有是命

庚寅

陳宣帝大建二年新羅真興王三十一年高
勾麗平原王十二年百濟威德王十七年

北齊冊百濟王為使持節侍中車騎大將軍

帶方郡公百濟王

辛卯

陳大建三年新羅真興王二十二年高勾
麗平原王十三年百濟威德王十八年北

齊冊百濟王為使持節都督東青州諸軍事

東青州刺史

壬辰

陳大建四年新羅真興王三十三年高勾
麗平原王十四年百濟威德王十九年春

正月新羅改元鴻濟○新羅王太子銅輪卒

○百濟遣使朝北齊○冬十月新羅為戰死

士卒設八關會於佛寺七日

聘于茂榛太守李佻平際厚將之茂榛密語
白雲曰妾與子生同一辰約為夫婦久矣今
父母改舊而新是圖若違命則為不孝歸茂
榛則死生豈不在我乎子有信義幸尋我於
茂榛信誓而別際厚既歸謂佻平曰婚姻人
道之始不可不消吉為禮佻平從其言白雲
尋至茂榛際厚出從之遂與俱潛行山谷忽
遇使客劫白雲竊際厚而走白雲之徒金闡
勇力過人善騎射追使客殺之奪際厚而還
事聞王曰三人信義可尚有是命

庚寅

陳宣帝大建二年新羅真興王三十一年高
勾麗平原王十二年百濟威德王十七年
北齊冊百濟王為使持節侍中車騎大將軍

辛卯

陳大建三年新羅真興王三十二年高勾
麗平原王十三年百濟威德王十八年
北齊冊百濟王為使持節都督東青州諸軍事

壬辰

陳大建四年新羅真興王三十三年高勾
麗平原王十四年百濟威德王十九年
春

正月新羅改元鴻濟○新羅王太子銅輪卒
○百濟遣使朝北齊○冬十月新羅為戰死
士卒設八關會於佛寺七日

甲午

陳大建六年新羅真興王三十五年高句麗威德王二十一年

三月新羅鑄皇龍寺丈六像銅三萬五千七

斤鍍金百二兩

丙申

陳大建八年新羅真興王三十七年真智王元年高句麗平原王十八年百濟威德王二十三年

春新羅置花郎初君臣患無以知人欲

使類聚羣遊觀其行義舉用之遂簡羨女二

人奉為源花一曰南毛一曰俊貞聚徒三百

餘人爭始相妬俊貞置酒私第強勸南毛酒

醉殺之其徒以告俊貞伏誅遂廢源花後更

取羨男子粧飾之名花郎其徒日衆或道義

新羅真興王 高句麗平原王 百濟威德王

相磨或歌樂相悅遊娛山水無遠不至歲月

既久邪正自見擇其譽望多者用之○秋八

月新羅王多麥宗薨王幼年即位唯勤奉佛

至末年剃髮披僧衣自號法雲王妃亦為尼

住永興寺王薨謚曰真興王子金輪立

臣等按佛氏離世絕俗滅天倫棄人類固

非君天下國家者之所為也蕭梁捨身為

奴貽笑萬世然止捨其身未聞捨及其妃

今王與妃同時剃髮將何以奉宗社臨羣

臣乎是必髡一國之士女然後已也王雖

慕清淨寡欲然不能棄國家絕夫婦稱君
稱妃自若則又烏在其為清淨寡欲乎是
則非特人道之罪人抑亦佛氏之罪人也
新羅之終以佛法衰敗不亦宜乎
新羅以伊飡金居柒夫為上大等委以軍國
事

丁酉

陳大建九年新羅真智王二年高勾麗秋七
平原王十九年百濟威德王二十年
月百濟遣使朝陳○冬十一月百濟遣使朝
後周○高勾麗遣使朝後周周冊王為開府
儀同三司大將軍遼東郡開國公高勾麗王

戊戌

陳大建二十年新羅真智王三年高勾麗
平原王二十年百濟威德王二十五年
遣使朝後周

己亥

陳大建十一年新羅真智王四年真平王元
年高勾麗平原王二十一年百濟威德王二
十六年
秋七月新羅王金輪薨謚曰真智太子
銅輪之子伯淨立

庚子

陳大建二十二年新羅真平王二年高勾麗
平原王二十二年百濟威德王二十七年新
羅以伊飡金后稷為兵部令后稷智證王之
曾孫王頗好田獵后稷諫曰古之王者必一
日萬幾深思遠慮左右正士容受直諫孳孳
矻矻不敢逸豫然後德政醇美國家可保全

殿下日與狂夫獵士事鷹犬逐雉兔奔馳山野不能自止老子曰馳騁田獵令人心狂書曰內作色荒外作禽荒有一于此未或不亡由是觀之內則蕩心外則亡國不可不省也殿下念之王不從又切諫不見聽後后稷病臨死謂其三子曰吾為人臣不能匡救君惡恐王遊娛不已以至於亡是吾憂也雖死思有以悟君意我死須瘞我於王遊畋路側其子從之他日王出畋中路有聲若曰王毋去者王顧問之從者曰彼后稷墓也遂陳后稷

新羅真平王 高句麗平原王 百濟威德王

臨死之言王潛然流涕曰夫子生而忠諫死而不忘其愛我深矣若終不改何顏見夫子於地下耶遂終身不復獵

權近曰史魚尸諫前史羨之今后稷之死也遺命葬於遊畋之路非但使王見之而感悟也且能托於聲氣若呼而警之也是其愛君之心出於至誠故雖骨化於重泉而其精神不昧鬱悒於冥冥之中及見車騎之出乃感觸而宣泄之以有聲也志士仁人豈以生死而二其心乎或者以此為

辛丑

恠誕而疑之夫人之精神與天地陰陽相
為流通故古之志士死且不散而能現異
如結草之類多矣何獨疑於此哉

陳大建二十三年新羅真平王三年高勾麗平原王二十三年百濟威德王二十八年春

正月新羅始置位和府○冬十二月高勾麗

遣使朝隋隋冊王為大將軍遼東郡公○百

濟遣使朝隋隋冊王為上開府儀同三司帶

方郡公

癸卯

陳後主至德元年新羅真平王五年高勾麗平原王二十五年百濟威德王三十年春

正月新羅始置舡府署大監弟監各一員○

新羅真平王高勾麗平原王百濟威德王

甲辰

二月高勾麗罷不急之務發使勸農桑

陳至德二年新羅真平王六年高勾麗平原王二十六年百濟威德王三十一年春

二月新羅改元建福○三月新羅置調府令

一員掌貢賦乘府令一員掌車乘○高勾麗

遣使朝隋隋主宴使者於大興殿○冬十一

月百濟遣使朝陳

乙巳

陳至德二十七年新羅真平王七年高勾麗平原王二十七年百濟威德王三十二年春

三月新羅旱王避殿減膳御南堂親錄囚○

新羅置三宮私臣以大阿飡和文為大宮阿

飡首勝為梁宮伊飡弩知為沙梁宮

午丙

酉巳

陳至德四年新羅真平王八年高勾麗平春
原王二十八年百濟成德王三十三年

正月新羅置禮部令二真位與兵部令同○

高勾麗移都長安城

陳明三年新羅真平王十一年高勾麗秋
平原王三十一年百濟成德王三十六年

七月新羅國西大水漂沒人戶三萬三百六

十死者二百餘人王發使賑恤之○新羅置

大舍二人弟監二人○隋既平陳戰艦一艘

漂至耽牟羅國將還道經百濟王貨送甚厚

仍遣使奉表賀平陳隋主善之下詔曰百濟

王既聞平陳遠令奉表往復至難若逢風浪

新羅真平王高勾麗嬰陽王百濟成德王

戊庚

便致傷損百濟王心迹淳至朕已委知相去

雖遠事同言面何必數遣使來相體悉自今

已後不須年別入貢朕亦不遣往王宜知之

隋文帝開皇十年新羅真平王十二年高勾麗平原王三十一年百濟成德王三十一年

七年高勾麗王聞陳亡大懼治兵積穀為

拒守之計隋主賜王璽書責曰朕受天命愛

育率土委王海隅宣揚朝化王每遣使人歲

相朝貢雖稱藩附誠節未盡王之一方雖地

狹人少今若黜王不可虛置終須更選官屬

就彼安撫王若洒心易行率由憲章即是朕

之良臣何勞別遣才彥王謂遼水之廣何如
長江高句麗之人多少陳國朕若不存合育
責王前愆命一將軍何待多力殷勤曉示許
王自新耳王得書惶恐將奉表陳謝而未果
○冬十月高句麗王陽成薨號平原太子元
立○高句麗伐新羅不克其將溫達死於兵
初溫達容貌龍鍾家甚貧常乞食養母破衫
弊屨往來於市井間時人目曰愚溫達平原
三有少女好啼王常戲曰汝每啼聒我耳長
必不得為士夫妻當歸之愚溫達女年十六

新羅真平王高句麗嬰陽王古

將嫁上部高氏女曰王者無戲言王常語我
為溫達婦今何故改前言乎匹夫猶不食言
况至尊乎王命謬矣妾不敢承王怒曰不從
我教不得為吾女宜從汝所適於是以前寶劍
數十枚繫肘後出宮問至溫達家母盲且老
問溫達所在母曰聞子之臭芬馥異常接子
之手柔滑如綿必貴人也吾兒貪鄙非所宜
近吾兒飢甚取榆皮於山女行至山下見溫
達負榆皮而來與之言溫達勃然曰此非幼
女子所至必狐魅也勿迫我遂行不顧女隨

至宿門外明朝更入與母子備言之温達依
違未決其母曰吾兒至陋不足為貴人匹吾
家至窶不宜為貴人居女曰苟為同心何須
富貴乃賣金釧買田宅奴婢牛馬器物資用
完具欲買馬女語温達曰慎勿買市人馬須
擇國馬病瘦而棄之者温達如其言女養之
甚勤馬日肥壯國俗常以三月三日會獵樂
浪丘獲禽祭天及山川神至其日王出獵羣
臣及五部兵士皆從温達以所養馬隨行其
馳騁常在前所獲亦多王召問姓名驚異之

新羅真平王高句麗嬰陽王百濟成德王

時後周武帝出師伐遼東王領軍逆戰於肆
山之野温達為先鋒斬數十餘級諸軍乘勝
奮擊大捷及論功温達為第一王嘉歎曰吾
甥也備禮迎之賜爵為大兄寵榮優渥權勢
日盛至是太子元嗣位温達告曰新羅割我
北漢之地為郡縣漢北之民未嘗忘父母之
國願大王不以愚為不肖授之以兵徃必復
之王許之臨行誓曰所不以鷄立峴竹嶺之
西歸我者不返也遂行與羅軍戰於阿旦城
下為流矢所中而死欲葬柩不肯動妻來撫

支辛

棺曰死生決矣於乎歸矣遂舉而窆王聞之
悲慟

隋開皇十一年新羅真平王三十三年高勾麗
王二十二年百濟威德王三十八年春

正月隋遣使冊高勾麗王為上開府儀同三

司襲爵遼東郡公賜衣一襲高勾麗王奉表

謝因請封王○三月隋冊封高勾麗王仍賜

車服○夏五月高勾麗遣使如隋謝恩

隋開皇十三年新羅真平王十五年高勾麗
王十四年百濟威德王四十年秋七

月新羅改築明活城周三千步又築西兄山

城周二千步

丑癸

新羅真平王 高勾麗 嬰陽王 百濟惠王

寅甲

隋開皇十四年新羅真平王十六年高勾麗
王五年百濟威德王四十一年

冊新羅王為上開府樂浪郡公新羅王

隋開皇十八年新羅真平王二十年高勾麗
王九年百濟威德王四十五年

春高勾麗王率靺鞨之眾萬餘侵遼西營

州總管韋沖擊走之隋主聞而大怒命漢王

諒王世績並為元帥將水陸三十萬來伐夏

六月帝下詔黜王官爵漢王諒軍出臨渝關

值水潦餽轉不繼軍中之食復遇疾疫周羅

暎自東萊泛海趣平壤城亦遭風舡多漂沒

秋九月師還死者十八九高勾麗王亦懼遣

午戊

未巳

使謝罪上表稱遼東糞土臣元於是帝罷兵待之如初○百濟王聞隋有遼東之役遣長史王辯那奉表請為鄉道隋下詔曰往歲高勾麗不供職貢無人臣禮故命將討之今高元君臣畏朕歸罪朕已赦之不可致伐厚其使者而還之高勾麗王恨之屢以兵侵掠百濟○冬十二月百濟王昌薨謚曰威德第二子李明立

隋開皇十九年新羅真平王二十一年高勾麗嬰陽王十年百濟惠王二年法王元年
百濟王李明薨謚曰惠長子宣立下今禁殺
新羅真平王高勾麗嬰陽王百濟武王

庚申

生收民家所養鷹鷄放之又焚漁獵之具隋開皇二十一年新羅真平王二十二年高勾麗嬰陽王十年百濟法王二年武王元年
春高勾麗命大學博士李文真脩國史初有記事百卷名曰留記至是脩之約為新集五卷○百濟劄王興寺度僧三十人○百濟大旱王幸漆岳寺祈雨○夏五月百濟王宣薨謚曰法子璋立

權近曰佛氏以因緣罪福之說誑誘愚民以為崇信其法則報應不差生增福壽死亦蒙益此其所以久惑乎世者也百濟王

宣見其父季明早死謂苟崇佛可以得壽也即位之初下令禁民畜養鷹鷄又收民家網罟漁獵之具而焚之及其遘疾親詣佛寺聽講其法又多度人為僧蓋欲以是得壽享福也然卒罔效在位僅一年而死其所謂報應者果安在歟昔三代聖王享年之久以修德耳非徼福也故唐韓愈謂佛法未入中國之前享年永久天下治平漢魏以降事佛愈謹年代尤促佛不足信明矣誠確論也今宣之事佛勤矣其死也

新羅真平王高句麗嬰陽王百濟武王

謚為法王然生既不能使之增壽則死亦不能使之蒙益必矣後之感佛者觀此亦知其妄矣

新羅僧圓光曾入陳求法至是隨奈麻諸文大捨橫川還自隋為時人所重沙梁部人貴山與箒頂友善相謂曰我輩期與士君子遊而不正心脩身恐不免招辱盍聞道於賢者乃詣光曰俗士顛蒙無所知識願賜一言為終身之誡光曰佛有菩薩戒其別有十若等為人臣子恐不能行今有世俗五戒一曰事

戎壬

君以忠二曰事親以孝三曰交友以信四曰
臨戰無退五曰殺傷有擇若等行之無忽貴
山等曰謹受教不敢失墜

隋仁壽二年新羅真平王二十四年高
勾麗嬰陽王十三年百濟武王三年新羅

遣大奈麻上軍朝隋○秋八月百濟侵新羅
敗績新羅少監貴山箒項死之初百濟王出
兵圍新羅阿莫山城新羅遣精騎數千拒戰
百濟王失利而還新羅築小陀畏石泉山甕
岑四城以逼之百濟王怒令佐平解離帥步
騎四萬攻四城新羅王使將軍乾品武殷帥

新羅真平王 高勾麗嬰陽王 百濟武王

衆逆戰貴山箒項亦赴焉解離不利引軍而
退伏於泉山西大澤中以待之武殷領甲騎
一千乘勝長驅至大澤伏發急擊之武殷墜
馬士卒錯愕不知所為貴山大言曰吾嘗聞
諸師曰臨戰無退豈敢奔竄以墜師教乎乃
以馬授其父武殷即與箒項力鬪害數十人
諸軍因而奮擊百濟敗績橫屍滿野解離僅
以身免貴山箒項金瘡滿身而死王與羣臣
迎於阿那之野臨屍痛哭以禮殯葬追贈貴
山奈麻箒項大舍

癸亥

甲子

丁卯

隋仁壽三年新羅真平王二十五年高 秋八

勾麗嬰陽王十四年百濟武王四年 月高勾麗遣將軍高勝攻新羅北漢山城新

羅王親率兵一萬過漢水城中鼓譟相應勝

以衆寡不敵乃退

隋仁壽四年新羅真平王二十六年高 秋七

月新羅遣使朝隋

隋煬帝大業三年新羅真平王二十九年春

高勾麗嬰陽王十八年百濟武王八年 三月百濟遣佐平王孝隣于隋請討高勾麗

許之○初帝幸突厥可汗啓民帳高勾麗使

者在啓民所啓民不敢隱與之見帝黃門侍

新羅真平王 高勾麗嬰陽王 百濟武王

郭景純說帝曰高勾麗本箕子所封之地漢

晉皆為郡縣今乃不臣別為異域先帝欲征

之以矣但楊諒不肖師出無功當陛下之時

安可不取使冠帶之境遂為蠻貊之鄉乎今

其使者親見啓民舉國從化可因其恐懼脅

使入朝帝從之勅牛弘宣旨曰朕以啓民誠

心奉國故親至其帳明年當往涿郡爾還語

爾王宜早來朝勿自疑懼存育之禮當如啓

民苟或不朝將率啓民往巡爾土三懼不從

○夏五月高勾麗攻百濟松山城不下移襲

木

石頭城虜男女三千而歸

隋大業七年新羅真平王三十二年高句麗嬰陽王二十二年辛百濟武王十二年春

二月隋下詔討高句麗先是新羅王遣使如隋奉表請師許之○冬十月百濟陷新羅般岑城縣令讚德死之讚德牟梁人有志節勇略見稱於時王選為縣令至是百濟大發兵來攻圍城百餘日讚德固守王命上州下州新州之兵救之不克引還讚德憤之謂士卒曰三州軍帥見敵強不進城危不救是無義也與其不義而生不若義死乃激昂奮勵且

新羅真平王高句麗嬰陽王百濟武王

戰且守以至糧盡水渴猶力戰不怠城將陷讚德仰天大呼曰吾王委我以一城而不能全為敵所敗死必為厲鬼殲盡百濟人以復此城遂攘臂瞋目觸槐而死城遂陷軍士皆降新羅以其子奚論為大奈麻

東國通鑑卷之五

